

Transkription von Urkunde HRO 1394b

Ort, Datierung: Rostock, 1394-09-12

Signatur: Stadtarchiv Rostock, U 3, K, Schulden, IE [U 3k 1394 September 12] [\[online\]](#)

Inhalt: Rat der Stadt Rostock: Schuldbrief

Wy Borghermest(er)e vnde Ratma(n)ne to Rozstok mit vsen nakomelingen bekennen / vn(de) betugen
openbare in dessem gegenwardigen breue . vor alle den jenne(n) de / en seen efte horen lesen . dat wi
sculdich sint witliker scult . Marquarde / warsowen vn(de) sinen rechten Eruen . hundert mark
twevn(de)vertich m(a)rk vn(de) enen scilling . Rozstocker pe(n)ninge to beredende to sunte merte(n)s
dage nu / negest to komende is . sunder lengher vortoch vn(de) ane sinen schaden alle desse /
vorsc(re)uen stücke loue wy Borg(er)mester vn(de) Ratma(n)ne . vorben(omet) mit vsen
nakome/lingen . Marquard warsowen vn(de) sinen rechten eruen . stedeuast to holdende / sunder
argelist . to grottere betuchnisse hebbe wi der stad Ingezeghel / henges an dessen breff screuen to
rozst(ok) na godes bord dusent drehunde(r)t / In deme vere vndenege(n)tigisten iare des sonnauende
vor des hilgen cruces dage / also id vorheuen wart /